

者皆不清淨食有二種正食非正食非正食者根食乃至細末食正食者飯麩乾餅魚及肉若比丘舉宿食而食咽咽波逸提非時過非時食者波逸提受七日藥過七日食者波逸提盡形壽藥無病因緣而服者突吉羅宿作宿想波逸提宿疑突吉羅非宿宿想突吉

廿二

羅非宿疑突吉羅比丘尼波逸提式又摩那沙弥沙弥尼突吉羅是謂為犯不犯者宿受食有餘與父母與塔作人與作房舍人計價與食直後異時乞食比丘從作人邊乞食得食鉢盂有孔罅食入中彼擣洗穿壞如法洗餘不出者無犯若宿受蘊油脂用灌鼻若縮

鼻時蘊油隨唾出應棄之餘無犯無犯者最初未制戒癡狂心亂痛惱所纏三十八竟

四分律藏卷第十四

睦四

槃穀下正沙菟下候料理上音蹈音餅同二肥美上非穴字稠直餅流

麩下尺斟酌上音跟躡上音若上音羅俗作法闍上音燦燥二同焦悴反孔鑄下許擣反他的

四分律藏卷第十五

睦五

姚秦藏佛陀耶舍共竺佛念譯

四分律藏初分

舍時佛在舍衛國祇樹給孤獨園舍時舍衛城中有一比丘生如是念我今寧可常乞食著糞掃衣彼即如所念便行舍時舍衛城中諸居士為命過父母及兄弟姊妹及夫婦男女於四衢道頭或門下或河邊樹下或在石邊或在廟中作飲食祭祀供養時彼乞食比丘自取食之諸居士見皆譏嫌之沙門釋子不知慙愧犯不與取外自稱言我修正法如是有何正法我等為命過父母及兄弟姊妹

作飲食祭祀供養而取食之如似我曹故爲沙門釋子飲食供養置如是處而我等乃爲命過父母乃至兄弟姊妹故設此飲食祭祀而自取食之今時諸比丘聞中有少欲知足行頭陀樂學戒知慙愧者嫌責乞食比丘言云何乞食比丘舍衛城中諸居士爲命過父母乃至兄弟姊妹設飲食祭祀供養而取食之諸比丘往世尊所頭面禮足在一面坐以此因緣具白世尊世尊以此因緣集比丘僧以無數方便呵責彼比丘汝所爲非非威儀非沙門法非淨行非隨順行所不應爲云何乞食比丘自取食舍衛城居士祭祀飲食而食世尊以無數方便呵責彼乞食比丘已告諸比丘此乞食比丘癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘不受食若藥著口中波逸提如是世尊與比丘結戒時諸比丘於中生疑不敢自取楊枝淨水

佛言比丘自取楊枝淨水不犯自今已去當如是說戒若比丘不受食若藥著口中除水及楊枝波逸提比丘義如上不與者未受者是受者有五種受手與手受或手與時物受若持物授手受若持物授持物受若遙過物與與者受者俱知中間無所觸礙得墮手中是謂五種受復有五種受食若身與身受若衣與衣受若曲肘與曲肘受若器與器受若有因緣置地與是爲五種受食佉闍尼食者從根食乃至細末磨食食者飯麩乾餅魚及肉奢耶尼食者酥油生酥蜜石蜜若比丘不與食自取著口中除水及楊枝咽波逸提

睦五

二

非時過非時食者波逸提受七日藥過七日食者波逸提盡形壽藥無因緣不受而食者突吉羅不受不受想波逸提不受疑突吉羅受作不受想突吉羅若受有疑突吉羅比丘尼波逸提式叉摩那沙弥沙弥尼突吉羅是謂爲犯不犯者取水及楊枝若不受酥油脂

灌鼻與唾俱出餘者不犯若乞食比丘鳥銜食墮鉢中若風吹墮鉢中欲除去此食乃至一指爪可除去餘者無犯無犯者最初未制戒癡狂心亂痛惱所纏九三十竟

尔時佛在舍衛國祇樹給孤獨園時跋難陀釋子有一商主爲檀越時跋難陀釋子到時

著衣持鉢詣彼商賈家語如是言我今欲得雜食商賈問言今有何患乃思此食報言無所患苦但意欲得雜食耳商賈報言我曹賈客常賣買生活猶尚不能得雜食況出家人時乞食比丘聞此語嫌責跋難陀釋子云何自爲身乞求如是美食時乞食比丘食訖還

至僧伽藍中以此因緣向諸比丘說其中有少欲知足行頭陀樂學戒知慙愧者嫌責跋難陀釋子云何自爲身乞如是美食諸比丘往世尊所頭面禮足在一面坐以此因緣具白世尊世尊以此因緣集比丘僧無數方便呵責跋難陀釋子汝所爲非非威儀非沙門

陸五

三

法非淨行非隨順行所不應爲云何跋難陀自爲身乞求如是美食世尊以無數方便呵責已告諸比丘跋難陀癡人多種有漏處最初犯戒自今已去與比丘結戒集十句義乃至正法久住欲說戒者當如是說若有如是美食乳酪魚及肉若比丘如是美食自爲身

索食者波逸提如是世尊與比丘結戒時諸病比丘聞此語已皆畏慎不敢乞不敢爲病比丘乞得已不敢食佛言自今已去聽病比丘乞彼人亦當爲病比丘乞乞得已聽食之自今已去當如是說戒若得好美飲食乳酪魚及肉若比丘如此美飲食無病自爲己索

者波逸提比丘義如上美食者乳酪魚及肉病者乃至一坐間不堪食竟若比丘無病自爲身乞如此美食食咽波逸提比丘尼突吉羅式又摩那沙弥沙弥尼突吉羅是謂爲犯不犯者病人自乞爲病人乞乞得而食或已爲他他爲己若不乞而得無犯無犯者最

初未制戒癡狂心亂痛惱所纏

四十竟

尔時佛將千二百五十弟子從拘薩羅國遊行來至舍衛國尔時諸檀越供養佛及衆僧大得餅食時世尊告阿難汝與衆僧分此餅阿難即受教以餅分與衆僧分已故有餘在世尊復告阿難以此餅與乞人阿難即受教

人與一餅時彼乞兒衆中有一裸形外道家女顏貌端正時阿難付餅餅黏相著謂是一餅與此女人女人即問傍人言汝得幾餅時彼報言我得一餅彼即復還問汝得幾餅報言我得二餅時彼婦人即語此女言彼與汝私通何得與汝二餅也時阿難聞此語即懷

愁憂諸比丘聞亦復不樂時彼會中有一梵志在此食已便向拘薩羅國道逢一篤信瞻相婆羅門即問言汝從何來報言我從舍衛國來復問云何舍衛國中乞求飲食可得不復可得持行不報言所索可得復問從誰間得耶報言禿頭居士邊得復問何者是禿頭

陸五

四

居士報言沙門瞿曇是婆羅門言汝是何人食他食已發此惡言彼婆羅門至僧伽藍中如所聞事語諸比丘諸比丘以此二因緣具白世尊世尊尔時以此因緣集比丘僧告言自今已去與比丘結戒集十句義乃至正法久住欲說戒者當如是說若比丘與裸形外道若男若女食者波逸提如是世尊與比丘結戒諸外道等皆有怨言一二外道有過我曹復有何過而不得食耶諸比丘白佛佛言自今已去若諸比丘欲與食者當置地與若使人與自今已去當如是說戒若比丘外道男外道女自手與食者皆波逸提比丘義如上外道者裸形異學人波私波羅闍者在此衆外出家者是佉闍尼食者根食乃至菓食油食乃至磨細末食食者飯麩乾餅魚及肉若比丘裸形外道若男若女自手與食者波逸提若與而受者波逸提與而不受者突吉羅羅方便欲與而不與還變悔者一切突吉羅

比丘尼突吉羅式又摩那沙弥沙弥尼突吉羅是謂爲犯不犯者若捨著地與若使人與若與父母與塔作人別房作人計作食價與若力勢強奪無犯無犯者最初未制戒癡狂心亂痛惱所纏四十一竟

今時佛在舍衛國祇樹給孤獨園時舍衛城

陸五

五

中有一豪族長者與跋難陀釋子知舊親友彼作如是念言若跋難陀釋子來入此城者當爲跋難陀故飯食衆僧於異時跋難陀釋子來入城中長者聞來至即遣人詣僧伽藍中語諸比丘明日請食即於其夜辦具種種甘饌飲食明日清旦往白時到時諸比丘到時著衣持鉢詣長者家就座而坐諸比丘報長者言衆僧已集飲食辦者可時施設長者報言諸尊少坐須待跋難陀釋子至諸比丘報言衆僧已集若飲食已辦者便可施設何須留待日時晚過恐諸比丘不得具足滿食時長者白諸比丘言我先有誓願若跋難陀

釋子來入此城者我當爲跋難陀釋子飯食衆僧願諸尊少留待跋難陀今時跋難陀小食時乃更詣餘家日時垂欲過方來時諸比丘見時欲過雖得飲食竟不滿足其中少欲知足行頭陀樂學戒知慙愧者嫌責跋難陀釋子云何跋難陀釋子小食時更詣餘家時垂欲過乃來使諸比丘飲食不得滿足耶時諸比丘往至佛所頭面禮足在一面坐以此因緣具白世尊世尊以此因緣集比丘僧以無數方便呵責跋難陀釋子汝所爲非非威儀非沙門法非淨行非隨順行所不應爲云何跋難陀釋子小食時到餘家時欲過方來使諸比丘不得滿足食世尊以無數方便呵責已告諸比丘此癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘先受請小食時至餘家者波逸提如是世尊與比丘結戒今時羅閱城中有一大臣與跋難陀釋

子知舊親友時彼大臣於異時大得甘菓即勅一人言跋難陀釋子是我知舊親友汝可持此菓往至僧伽藍中示之語言我與汝知舊可持此菓衆僧中分布時彼使人即持菓詣僧伽藍中白諸比丘大德此是僧新菓諸比丘語言若與衆僧者便可分之其人報言

睦五

六

羅閱城中大臣勅我言汝將此菓詣僧伽藍中示跋難陀釋子令分與僧今須跋難陀至當分與僧時跋難陀後食已方詣餘家時過乃還使衆僧不得食新菓時諸比丘間中有少欲知足行頭陀樂學戒知慙愧者嫌責跋難陀言云何後食已方詣餘家時過乃還使諸比丘不得食新菓也諸比丘往世尊所頭面禮足已在一面坐以此因緣具白世尊世尊亦時以此因緣集比丘僧呵責跋難陀釋子汝所爲非威儀非沙門法非淨行非隨順行所不應爲云何跋難陀釋子後食已更詣餘家時過乃還使諸比丘不得食新菓世

尊以無數方便呵責已告諸比丘自今已去當如是說戒若比丘先受請前食後食詣餘家者波逸提如是世尊與諸比丘結戒亦時羅閱城中衆僧大有請處諸比丘皆畏慎不敢入城受請白佛佛言自今已去聽諸比丘相囑授入城比丘不知當囑授誰佛言當囑

授比丘若獨處一房中當囑授比近住者自今已去當如是說戒若比丘先受請已前食後食詣餘家不囑者波逸提如是世尊與諸比丘結戒時病比丘先語檀越家作羹作粥作飯彼畏慎不敢入城恐犯食後至餘家白佛佛言聽病比丘不囑授得入自今已去當

睦五

七

如是說戒若比丘先受請前食後食至餘家不囑授餘比丘除時因緣波逸提是中時者病時如是世尊與比丘結戒時諸比丘作衣時到或須大金或須小釜或須瓶或須杓或須瓊或須斧或須盂或須盆或須小枕或須銚或須繩或須衣懸或須伊尼延陀或須毛

斃諸比丘皆畏慎不敢入城恐犯不囑授入
村佛言自今已去聽諸比丘作衣時不囑授
入村自今已去當如是結戒若比丘先受他
請前食後食詣餘家不囑授餘比丘除餘時
波逸提餘時者病時作衣時如是世尊與比
丘結戒時諸比丘施衣時到或有已得施衣

處或有方當求索彼畏慎不敢入城恐犯不
囑授入城佛言自今已去聽諸比丘布施衣
時不囑授入城自今已去當如是說戒若比
丘先受請已前食後食詣餘家不囑授餘比
丘除餘時波逸提餘時者病時作衣時施衣
時是謂時比丘義如上前食者明相出至食

時是後食者從食時至日中是家者有男女
所居也餘比丘者同一界共住也病者如上
作衣時者自恣竟無迦絺那衣一月有迦絺
那衣五月乃至衣上作馬齒縫是也施衣時
者自恣後無迦絺那衣一月有迦絺那衣五
月除此已餘時勸化作食并施衣者是也若

比丘囑授欲詣村而中道還失前囑授後若
欲去者當更囑授若比丘囑授欲詣村不至
所囑授處乃更詣餘家失前囑授若欲往應
更囑授而去若囑授至白衣家乃更至庫藏
處及聚落邊房若比丘尼僧伽藍中若即白
衣家還出失前囑授應更囑授而往若比丘

先受請已前食後食詣餘家不囑授比丘入
村除餘時波逸提若一脚在門內一脚在門
外方便莊嚴欲去而不去一切突吉羅比丘
尼波逸提式又摩那沙弥沙弥尼突吉羅是
謂爲犯不犯者病時作衣時施衣時囑授比
丘若無比丘不囑授至庫藏聚落邊房若至

睦五

八

比丘尼僧伽藍至所囑白衣家若衆多家敷
坐具請比丘若爲勢力所持或命難梵行難
無犯無犯者最初未制戒癡狂心亂痛惱所

纏四十
二竟

介時佛在舍衛國祇樹給孤獨園介時尊者
迦留陀夷本處俗時同友白衣婦顏貌端正

名曰齋迦留陀夷亦復顏貌端正時迦留陀夷繫意在齋優婆私齋優婆私亦繫意在迦留陀夷所時迦留陀夷到時著衣持鉢往至齋優婆私家就座而坐時齋優婆私洗浴莊嚴其身夫主心極愛敬未曾相離夫主問迦留陀夷言欲須何等耶報言我須食其夫即

語婦言出食與之婦即如言與食迦留陀夷食已坐住不去其夫語迦留陀夷言汝向者言須食已與汝食竟何以不去耶時齋優婆私現相令其不去時彼夫主瞋恚迦留陀夷言比丘妨我向言須食食已猶故不去更欲作何等我今捨汝出去隨汝在後欲何所作

時彼夫主瞋恚作如是語已便出去時有乞食比丘來至其家時乞食比丘復嫌責迦留陀夷言汝云何在食家中安坐今時乞食比丘還出舍衛城到僧伽藍中以此因緣具白諸比丘諸比丘聞其中有少欲知足行頭陀樂學戒知慙愧者嫌責迦留陀夷言汝云何

睦五

九

在食家中安坐今時諸比丘聞是語已往世尊所頭面禮足在一面坐以此因緣具白世尊世尊以此因緣集比丘僧知而故問迦留陀夷言汝實在食家中安坐耶對曰實今世尊以無數方便呵責迦留陀夷汝所為非非威儀非沙門法非淨行非隨順行所不應為

云何在食家中有寶安坐今時世尊以無數方便呵責迦留陀夷已告諸比丘此癡人多種有漏趣最初犯戒自今已去與比丘結戒集十句義乃至正法久住欲說戒者當如是說若比丘在食家中有寶強安坐者波逸提比丘義如上食者男以女為食女以男為食故名為食家者如上寶者車渠馬瑙真珠琥珀金銀若比丘在食家中有寶舒手得及戶應坐若比丘在食家中有寶強安坐者波逸提盲而不聾者突吉羅聾而盲者亦突吉羅立而不坐者突吉羅比丘尼波逸提式叉摩那沙弥沙弥尼突吉羅是謂為犯不犯者

若入食家中有寶舒手及戶處坐若有二比丘爲伴若有識別人或有客人在一處不盲不聾不聾不盲或從前過不住或卒病發倒地或爲力勢者所持或被繫閉或命難梵行難無犯無犯者最初未制戒癡狂心亂痛惱所纏四十一

尔時佛在舍衛國祇樹給孤獨園尔時尊者迦留陀夷本處俗人時有白衣同友婦名曰齋顏貌端正迦留陀夷亦顏貌端正時迦留陀夷繫意在齋優婆私齋優婆私亦繫意在迦留陀夷所尔時尊者迦留陀夷到時著衣持鉢往至齋優婆私家自念言世尊作如是

語食家中有寶不應安坐應在舒手及戶處坐即便在戶扇後坐時迦留陀夷與齋優婆私共語時有乞食比丘來至彼家聞迦留陀夷語聲嫌責言云何在食家中有寶屏處坐令我等不知爲何所作時乞食比丘還出舍衛城到僧伽藍中以此因緣具白諸比丘諸

唯五

十

比丘聞其中有少欲知足行頭陀樂學戒知慙愧者嫌責迦留陀夷言云何在食家中有寶屏處坐諸比丘往至世尊所頭面禮足在一面坐以此因緣具白世尊世尊尔時以此因緣集比丘僧知而故問迦留陀夷汝審在食家中有寶在屏處坐耶荅言實尔世尊世

尊尔時以無數方便呵責迦留陀夷汝所爲非非威儀華沙門法非淨行非隨順行所不應爲云何在食家中有寶在屏處坐呵責迦留陀夷已告諸比丘此癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘食家中有寶在屏處坐者波逸提比丘義如上說食者女是男食男是女食寶者車渠碼碯真珠琥珀金銀屏處者若樹牆壁籬欄若衣障及餘物障彼比丘入食家中有寶屏處坐使舒手得及戶今乞食比丘見若比丘食家中有寶在屏處坐者波逸提而不聾突吉

羅聾而不育突吉羅立而不坐突吉羅比丘
尼波逸提式又摩那沙弥沙弥尼突吉羅是
謂爲犯不犯者若在食家中有寶坐舒手得
及戶使乞食比丘見若有二比丘爲伴若識
別人在邊或客人在一處不盲不聾或從前
過不住或卒病倒地力勢者所持或被繫閉

陸五

十一

或命難梵行難不犯不犯者最初未制戒癡
狂心亂痛惱所纏四竟

尔時佛在舍衛國祇樹給孤獨園尔時尊者
迦留陀夷本處俗時有白衣親友婦名曰齋
顏貌端正迦留陀夷亦顏貌端正時迦留陀
夷繫意在齋優婆私所齋優婆私亦繫意在

迦留陀夷所尔時尊者迦留陀夷到時著衣
持鉢往至齋優婆私家在露地共一處坐語
有一乞食比丘來至其家見迦留陀夷與齋
優婆私共一處坐語即嫌責尊者迦留陀夷
云何與齋優婆私露地共一處坐語耶時乞
食比丘還僧伽藍中以此因緣語諸比丘諸

比丘聞其中有少欲知足行頭陀樂學戒知
慙愧者嫌責迦留陀夷言云何在齋優婆私
家露地共一處坐語諸比丘往至世尊所頭
面禮足在一面坐以此因緣具白世尊世尊
以此因緣集比丘僧知而故問迦留陀夷汝
實與齋優婆私露地共一處坐語耶荅言實

尔世尊世尊尔時以無數方便呵責迦留陀
夷汝所爲非非威儀非沙門法非淨行非隨
順行所不應爲云何迦留陀夷在齋優婆私
家露地共一處坐語呵責迦留陀夷已告諸
比丘此癡人多種有漏處最初犯戒自今已
去與比丘結戒集十句義乃至正法久住欲
說戒者當如是說若比丘獨與女人露地坐
波逸提比丘義如上女人者有智命根不斷
獨者一女人一比丘屏處者見屏處聞屏處
見屏處者若塵霧黑闇不見面聞屏處者常
語不聞聲彼比丘獨與女人露地共一處坐
波逸提若盲不聾突吉羅若聾不盲突吉羅

若立不坐突吉羅比丘尼波逸提式叉摩那沙弥沙弥尼突吉羅是謂爲犯不犯者有二比丘爲伴若有識別人在邊或有客人在一處不盲不聾不瞽不盲或從前過不住或卒病倒地或力勢所持或被繫閉或命難梵行難不犯不犯者最初未制戒癡狂心亂痛惱

陸五

十二

所纏

四十
五竟

尔時佛在舍衛國祇樹給孤獨園時跋難陀釋子與餘比丘共闢欲求懺悔跋難陀結恨在心後於異時跋難陀語彼比丘言汝隨我行到村中當與汝食比丘報言尔尔時跋難陀到時著衣持鉢與彼比丘俱入舍衛城將至無食處周迴遍行餘有少時跋難陀念言若此比丘出舍衛城至祇桓中日時已過跋難陀語彼比丘言未曾有汝是大惡人比丘問言我作何等過跋難陀報言今由汝故并使我不得食長老速去我共汝若坐若語不樂我獨坐獨語樂跋難陀語此比丘已便入

舍衛城中有食家而食時彼比丘出舍衛城到祇桓精舍日時已過不得食乏極諸比丘聞其中有少欲知足行頭陀樂學戒知慙愧者嫌責跋難陀釋子云何語餘比丘言將汝至聚落與汝食竟不與比丘食便語言汝速去我共汝若坐若語不樂我獨坐獨語樂遣

彼比丘還祇桓中日時過竟不得食乏極時諸比丘往至世尊所頭面禮足在一面坐以此因緣具白世尊世尊以此因緣集比丘僧呵責跋難陀釋子汝所爲非非威儀非沙門法非淨行非隨順行所不應爲云何將餘比丘言與汝食竟不與食便語言汝速去我共

陸五

十三

汝若坐若語不樂我獨坐獨語樂使彼比丘入祇桓中日時過不得食乏極耶尔時世尊以無數方便呵責跋難陀釋子已告諸比丘此癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘語餘比丘如是語大德

共至聚落當與汝食彼比丘竟不教與是比丘食語言汝去我與汝一處若坐若語不樂獨坐獨語樂以此因緣非餘方便遣去波逸提比丘義如上村者四種村如上食者時食彼比丘語此比丘言至聚落間與汝食彼竟不與比丘食便語汝去我與汝若坐若語不

樂我獨坐獨語樂彼方便遣去捨見處聞處波逸提捨見處至聞處突吉羅捨聞處至見處突吉羅方便遣去自捨見聞處波逸提捨見處至聞處捨聞處至見處突吉羅比丘尼波逸提式又摩那沙弥沙弥尼突吉羅是謂爲犯不犯者與食遣去若病若無威儀人見不喜者語言汝去我當送食至僧伽藍中彼若破戒破見破威儀若衆中所舉若被擯若應擯若見命難淨行難方便遣去不以嫌恨故遣去不犯不犯者最初未制戒癡狂心亂痛惱所纏四十
六竟
尔時佛在釋翅搜迦維羅衛尼拘律園中尔

時摩訶男釋種請衆僧供給藥彼恭敬上座施與好者求者亦與不求亦與時六羣比丘自相謂言此摩訶男釋子請衆僧供給藥彼恭敬上座施與好者於我等無恭敬心惡者施我等求索猶不見與況不求而得自相謂言我等當往詣其家求索難得所無有藥於是即往詣其家語言我等須如是如是藥摩訶男報言若我家中有者當相與若無者當爲詣市求買相給六羣比丘報言汝家中可無如是如是藥耶摩訶男報言我家有者當相與無者當爲詣市求索相與時六羣比丘復語言汝請衆僧供給藥恭敬上座與好者

睦五

十四

求者與之不求者亦與與下座惡者又不慙懃恭敬求索而不見與況不求而得汝家中所無有而請衆僧與藥汝有愛又復妄語摩訶男報言我先有誓要請衆僧家中所有者隨供給之若無者當詣市買索與汝今云何言我有愛是妄語人無有至誠耶長老去我

自今已往不復能供給衆僧藥也。尔時諸比丘聞其中有少欲知足行頭陀樂學戒知慙愧者，嫌責六羣比丘言：「摩訶男釋子信樂恭敬好樂布施，常供給衆僧藥云何？汝等罵詈言他有愛妄語，使斷衆僧藥耶？」時諸比丘往世尊所，頭面禮足，在一面坐，以此因緣具白。

世尊世尊尔時以此因緣集比丘僧，呵責六羣比丘言：「汝所爲非，非威儀，非沙門法，非淨行，非隨順行，所不應爲云何？」摩訶男釋子有信心好樂布施，常供給衆僧藥，而汝等罵詈有愛妄語，使斷衆僧藥耶？世尊以無數方便呵責六羣比丘，已告諸比丘言：「此癡人多種。」

有漏處最初犯戒，自今已去與比丘結戒，集十句義乃至正法久住，欲說戒者當如是說。若比丘應受四月因緣，請與藥若過受者，波逸提。如是世尊與比丘結戒時，諸病比丘有畏慎心，不敢過受藥。白佛，佛言：「自今已去聽諸病比丘過受藥，自今已去當如是說戒。」若

睦五

十五

比丘無病受四月，請與藥過受，波逸提。如是世尊與比丘結戒時，諸居士常請諸比丘與藥，諸比丘有畏慎心，不敢受。常請供給藥，白佛，佛言：「自今已去聽諸比丘受常請供給藥，自今已去當如是說戒。」若比丘無病受四月，請與藥若過受，除常請者，波逸提。如是世尊

與比丘結戒時，摩訶男釋種復作是念：「我今不可以一人二人故斷衆僧藥耶？」今故當應更請衆僧供給藥，作是念已，即便至僧伽藍中，請諸比丘言：「願諸大德僧受我請供給藥。」諸比丘各各有畏慎，不敢受。更請與藥，白佛，佛言：「自今已去聽諸比丘受更請藥，諸比丘便計前日數，白佛，佛言：「不應計前日數，應從斷藥還與已來日從此爲數。」自今已去當如是說戒。」若比丘無病受四月，請與藥過受，除常請更請，波逸提。如是世尊與比丘結戒時，諸居士請比丘與分藥，諸比丘畏慎不敢受。白佛，佛言：「自今已去聽諸比丘受分藥，自

今已去當如是說戒若比丘無病受四月請與藥若過受除常請更請與分藥波逸提如是世尊與比丘結戒尔時諸居士請比丘與盡形壽藥諸比丘畏慎不敢受盡形壽藥白佛言自今已去聽諸比丘受盡形壽藥如是世尊與比丘結戒請比丘四月與藥無病比丘應受若過受除常請更請分請盡形壽請波逸提比丘義如上四月者夏四月因緣者藥請也病者醫所教服藥也常請者其人作如是言我常與藥更請者斷已後復更與請與分藥者持藥至僧伽藍中分與盡形壽請者其人言我當盡形壽與藥請者有四種或有請夜有限齊藥無限齊或有請藥有限齊夜無限齊或有請藥有限齊夜亦有限齊或有請夜無限齊藥無限齊云何請夜有限齊藥無限齊彼作夜分齊不作藥分齊我與如許夜藥是謂請夜有分齊藥無分齊云何請藥有分齊夜無分齊彼作藥分齊不作夜

睦五

十六

分齊作如是言我與如是藥是為請藥有分齊夜無分齊云何請夜有分齊藥有分齊彼作夜分齊藥分齊如是言尔許夜與如是藥是謂請夜有分齊藥有分齊云何請夜無分齊藥無分有彼不作夜分齊藥分齊作如是言我請汝與藥是謂請夜及藥無分齊是中請夜有分齊藥無分齊夜有分齊藥有分齊應夏四月受請是中藥有分齊夜無分齊夜無分齊藥無分齊應隨施時受彼比丘無病應受夏四月與藥若過受除常請更請分請盡形壽請咽咽波逸提比丘尼波逸提式叉摩那沙弥沙弥尼突吉羅是謂為犯不犯者受四月請與藥病者過受請常請更請分請盡形壽請無犯無犯者最初未制戒癡狂心亂痛惱所纏四十竟尔時佛在舍衛國祇樹給孤獨園時王波斯匿土壤人民反叛時王自領六軍征伐時六羣比丘往至軍中觀看軍陣時波斯匿王言

諸尊在此軍中欲何所爲六羣報言我無所作來看軍陣耳時波斯匿王聞已心甚不悅王復問言今者欲何所至耶六羣報言我等欲詣舍衛國見佛時王語言若至舍衛國者持我名禮拜問訊世尊言起居輕利遊步康強教化有勞耶令持此一裏石寶奉上世尊

陸五

十七

以此因緣具白世尊亦時六羣比丘即往舍衛城詣祇桓精舍禮世尊足在一面坐即稱波斯匿王名言禮拜問訊世尊起居輕利遊步康強教化有勞耶以此一裏石寶奉上世尊以此因緣具白世尊世尊亦時以此因緣呵責六羣比丘汝所爲非非威儀非沙門法非淨行非隨順行所不應爲云何汝等癡人乃觀王者軍陣勢力世尊以無數方便呵責六羣比丘已告諸比丘此癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘往觀軍陣波逸提如是世尊與比丘結戒亦

時波斯匿王土境人民反叛有大臣兄弟二人兄名黎師達弟名富羅那王使此二人領軍征伐此二人渴仰欲見比丘即遣使往請比丘大德來我欲相見諸比丘皆有畏慎心言世尊制戒若比丘往觀軍陣者波逸提時諸比丘往白世尊世尊告言若須有所白若

有請喚者聽往自今已去當如是說戒若比丘往觀軍陣除餘時因緣波逸提比丘義如上陣者若戲若鬪軍者或一軍二軍三軍四軍一軍者一象軍一馬軍一車軍一步軍若純有馬軍純象軍步軍車軍也二軍者二象二馬二車二步或有象馬或象車或象步或馬車或馬步或車步三軍者三象三馬三車三步或象馬車或象馬步或馬車步四軍者四象四馬四車四步或象馬車步彼比丘往觀軍陣從道至道從道至非道從非道至道從下至高從高至下去而見者波逸提不見者突吉羅若方便莊嚴欲觀而不去者一切

突吉羅若比丘先在道行軍陣後至比丘應下道避若不避者突吉羅比丘尼波逸提式又摩那沙弥沙弥尼突吉羅是謂爲犯不犯者若比丘有事往若彼請去或力勢者將去若先前行軍陣後至下道避若水陸道斷賊難惡獸難水大長若爲力勢所繫縛去或命

睡五

十八

難梵行難不下道無犯無犯者最初未制戒癡狂心亂痛惱所纏四十

八竟

尔時佛在舍衛國祇樹給孤獨園尔時六羣比丘有時因緣至軍中宿時諸居士見自相謂言我等爲恩愛故在此宿耳而此沙門復在此何爲耶尔時諸比丘聞中有少欲知足

行頭陀樂學戒知慙愧者嫌責六羣比丘言世尊制戒有時因緣乃得至軍中汝等云何乃於軍中止宿耶諸比丘往世尊所以此因緣具白世尊世尊以此因緣集比丘僧呵責六羣比丘汝所爲非非威儀非沙門法非淨行非隨順行所不應爲云何六羣比丘有時

因緣得至軍中汝等何事乃在軍中宿耶世尊以無數方便呵責六羣比丘已告諸比丘此癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘有因緣聽至軍中二宿三宿過者波逸提比丘義如上若比丘有因

緣欲至軍中得二宿住至第三宿明相未出時應離聞處見處彼比丘軍中二宿已至第三宿明相未出不離聞見處明相出波逸提若離見處至聞處突吉羅離聞處至見處突吉羅比丘尼波逸提式又摩那沙弥沙弥尼突吉羅是謂爲犯不犯者得二宿已第三宿

明相未出離聞見處若水陸道斷若惡獸難盜賊難水大長爲力勢者所執留或被繫閉或命難梵行難得二宿軍中住至三宿明相出不離聞見處不犯不犯者最初未制戒癡狂心亂痛惱所纏四十

九竟

十九末

四分律藏卷第十五

睦五

甘饍音金杓反時約瓠反戶江反鉞徒吊櫛下反又
匿尼力籬力毛毳米反反叛下音

四分律藏卷第十六

睦六

姚秦三藏傳陀耶舍其世佛念譯

四分律藏初分

尔時佛在舍衛國祇樹給孤獨園尔時六羣比丘聞世尊制戒聽比丘有時因緣二宿三宿軍中住彼在軍中住觀軍陣聞戰觀諸力

揚采

人象馬時六羣比丘中有一人以看軍陣故為箭所射時同伴比丘即以衣裹之與還諸居士見已問比丘言此人何所患耶報言無患向往觀軍陣聞為箭所射時諸居士皆共譏嫌言我等為恩受故與此軍陣汝等出家人往軍中何所作耶諸比丘聞已其中有少

欲知足行頭陀樂學戒知慙愧者嫌責六羣比丘言世尊制戒聽比丘有時因緣至軍中應二宿三宿住彼往軍中二宿三宿住已云何乃往觀軍陣聞戰而為箭所射諸比丘往世尊所頭面禮足在一面坐以此因緣具白世尊世尊尔時以此因緣集比丘僧呵責六羣比丘言汝所為非非威儀非沙門法非淨行非隨順行所不應為云何六羣比丘世尊聽比丘有時因緣往軍中二宿三宿住而汝等往軍中二宿三宿住乃觀軍陣聞戰為箭所射耶尔時世尊以無數方便呵責六羣比丘已告諸比丘此癡人多種有漏處最初犯戒自今已去與比丘結戒集十句義乃至正法久住欲說戒者當如是說若比丘二宿三宿軍中住或時觀軍陣聞戰若觀遊軍象馬力勢者彼逸提比丘義如上闕者若戲闕若真實闕軍者一種軍乃至四種軍或有王軍賊軍居士軍力勢者第一象力第一馬力第